

Transkription von Urkunde SAW 1385a

Ort, Datierung: Salzwedel, 1385-12-14

Signatur: Stadtarchiv Salzwedel, 27/14

Inhalt: Rat der Stadt Salzwedel: Baugenehmigung

Wy Ratman olde vnde nyge der nygenstad to soltwedele . Bekennen vnde bethughen openbare . vor vs vnde alle / vse na komelinge vses Rades inder nygen stad to soltwedele . vnde dōn witliken alle den ge(n)nen de dessen breff seen / horen edder lesen . Dat de Ratman inder olden stad tō soltwedele vs to staded hebben dorch sunderliker gunste / vnde eyndracht willen . dat wy de plangken de bouen eren grauen stan bouen den vlūtwerke vor de(m) syledore . schūl/len buwen wa(n)ne vnde wo dicke vs des nod is vnde behūf . van vs(er) stad ghelde . vnde schūllen vnde willen dor de . / suluen plangken maken vnde holden eyne porten anderhaluen langen ellen wýd dar men mit schepen dor varen / mach . vnde der sūluen porten schūllen de ratman der olden to soltw(edel) stad mechtech wesen vnde wy nicht to bru/kende vnd op vnde to toslutende wan en vnde den eren des to dōnde is sunder generchleye hindere vnde weder/sprake vs(er) vser nakomelinge edder der vsen . ok is de graue bouen den vlūtwerke al vt inder breyde erer olden / stad wente an vse nyge wykhūs dat we dar sulues op gemured hebben . vnde we(n)te an de hūs de dar oppe stan . Des / to thughe vnde merer bekenntnisse . hebbe wy vns(er) stad groteste ingeseghele laten hangen an dessen bref Ghe/uen na godes bord drytteynhunder(t) Jar in dem vif vnde achtegheten Jare des anderen daghes naghest na / su(n)te Lucien daghe der heylighen Ju(n)gvrowen , ,